

出臆斷雖然月令所稱周家之禮也亦不可廢則姑從鄭說而可也東方朔占書欲知五穀之收否但看五菓之盛衰李主小麥杏主大麥桃主小豆粟主稻棗主禾占書出於六朝好事者之手不足取證也蓋北方無稻種古之所謂中國與今之中國延袤大小不同矣江南則於禹貢周官在于荒服之例故周有稻人漢有稻田使者別掌稻米之政而漕運轉輸又甚難焉是以北方此物至乏縱有此物供宗廟禮食耳不得為常食也故古者五穀品目不收稻米至稱六穀則始收之且彼邦中國無稻米以麥粟為常食或雕胡薏苡給其不及也而江南及我邦以稻為常食如雕胡薏苡則棄而不顧我方唯關東之國唯相州之民常食稗粟雖然豪富及商賈之類則亦不供朝夕之膳也其餘州則貧民以麥為常食食稗粟者或少矣此習為常故後儒以今料古以我推彼而云中華則聖賢所出秀氣所鍾之邦也其食當出我邦之上歆羨渴望欲染指而嘗之是以反疑古書欲求其說以實之母乃鑿乎可為浩歎矣

右辨五穀之名目一條

〔日本書紀神代〕一書曰中伊弉册尊為軻遇突智所焦而終矣其且終之間臥生土神埴山姬及水神

罔象女即軻遇突智娶埴山姬生稚產靈此神頭上生蠶與桑臍中生イツクサノタマツメ五穀

一書曰中是後天照大神復遣天熊人往看之是時保食神實已死矣唯有其神之頂化為牛馬願上

生粟眉上生鹽眼中生稗腹中生稻陰生麥及大豆小豆天熊人悉取持去而奉進之于時天照大神喜

之曰是物者則顯見蒼生可食而活之也乃以粟稗麥豆為陸田種子以稻為水田種子又因定天邑君

即以其稻種始殖于天狹田及長田其秋垂穎八握莫然甚快也

〔古事記上〕速須佐之男命中又食物乞大氣津比賣神爾大氣都比賣自鼻口及尻種種味物取出而

種種作具而進時速須佐之男命立伺其態為穢汚而奉進乃殺其太宜津比賣神故所殺神於身生物

者於頭生蠶於二目生稻種於二耳生粟於鼻生小豆於陰生麥於尻生大豆故是神產巢日御祖命令

取茲成種